

ամեն փորձ աւելորդ համարեցաւ. ուստի միաբանեցաւ Հ. Աղ. Պէշիկթաշլեանի հետ՝ որ այն ատեն Լոնտրա էր, « և այնպէս յանդիման եղեւ ատենի Լօրտ Չէնսլէրին, և ետ վկայութիւն, թէ Հրիտակն հօր իւրոյ պատկանի վենետկեան Միթիթարեանց: Բայց խորհուրդ ետ պահել զզլուի դրամոյն միշտ ի Լոնտոն, և տալ միայն ի ձեռս Միաբանութեան գտարեկան շահ նորա. և նա նոյնպէս վճռեաց »: (Անդ):

Ուրեմն, որքան որ Պարոն Աղեքսանդր եղած է « արտակեղրոն ոք » (Անդ), սակայն իբրեւ պարտք արդարութեան պէտք է արձանագրենք, որ ի վերջոյ նա եղած է « հոգեւոր եղբայր և բարերար Միաբանութեանս » (Անդ), որով և արժանի Մեծին Միթիթարայ բոլոր որդւոցս յաւերժական երախտագիտութեան:

2. Վենետկոյ Մեծ Զրանցքի ամենաշքեղ ապարանքներէն մին է Փեզարոյ պալատը, որուն հիմնարկութիւնը տեղի կ'ունենայ՝ ըստ հնախօսական տուեալներու՝ 1676 թուականին Պաղտասար Լոնկենա ճարտարապետին ծրագրին համաձայն և իր հսկողութեան ներքեւ: Սակայն երկար տարիներ կիսկատար կը մնայ գործը՝ ճարտարապետին մահուամբ (1682). հուսկ վերսկսելով՝ կ'աւարտի 1710-ին:

Գոհար շէնքիս սեփականատէրն եղած է Փեզարոյ անուն ազնուազարմ ընտանիքը, որ համառուն քաղաքէն վենետիկ փոխադրուած է 1225-ին: Իրմէ սերած է նաեւ ճիովաննի Փեզարոյ Տոժը (ընտր. 1658-ին): Այս նշանաւոր ընտանիքը ուրիշ պանծալի յուշարձաններ ալ թողած է վենետկոյ մէջ. գոր. օր. վերաշինած է S. Giovanni Decollato եկեղեցին ու կանգնած է զանազան պալատներ, իսկ Frari-ի եկեղեցւոյն մէջ՝ հրաշալի խորան մը և պերճ շիրիմներ, և այլն:

Փեզարոյ պալատին մէջ ապաստան գտած է նաեւ վենետկոյ վերջին Տոժը Լոտովիզոյ Մանին՝ (1726 – ընտր. 1789–1802) իշխանութենէ զահագուրկ ըլլալէ վերջ: Այս փառաւոր շէնքը Փեզարոյ ընտանիքէն ժառանգութեամբ կ'անցնի Կրատենիկոներուն, որոնցմէ վարձու կը ստանայ Միաբանութիւնս Ռափայէլեան վարժարանի համար. (տես Giulio Lorenzetti: Venezia e il suo restauro, էջ՝ 616. և Giuseppe Tassin: Curiosità Veneziane, 1915, էջ 496):

Դպրոցիս պաշտօնական բացումը տեղի կ'ունենայ 1836 Սեպտեմբեր 11-ին:

Հետեւելով վանքիս Արձանագրութեանց՝ Խնամակալաց ժողովը 11 տարիներ վերջ 1847 Սեպտ. 12-ին մեծ մտահոգութեան մը կը մատնուի. Փեզարոյ պալատը վաճառուելու հարց մը կ'ելլէ մէջտեղ « 210,000 կամ եւս աւելի աւտորիական լիրայից », որուն համար ժողովականք Նիստի կը հրաւիրուին, ուր կ'առաջարկուի Ռափ. վարժարանին համար – ըստ այլ Օրագրական Դարքի մը (1847-ի) – « կամ առնուի երկիր ի ճոտէքքա և անդ նորոգ շինել, կամ որոնել ի վենետիկ, կամ գնել գտունն յորում եմք » կ'ըսէ: ճոտէքքայի մտածութիւնը ընդդիմութեան բաղխելով՝ կը դիմուի այս հարցման. « ապա գնեսց՞ք զպալատ Փեզարոյի թէ ոչ. և 6 այո և 3 ոչ » կ'ելլէ պատասխանը, իսկ ըստ վերոյիշեալ Արձանագրութեան՝ մէկ քուէի առաւելութեամբ է որ գնել կ'որոշուի: Այս որոշման տեղի չունենալուն պատճառը թերեւս պահանջուած գումարը կամ պայմաններն են որ անընդունելի կ'ընեն, և կամ այն շարժառիթը՝ որով անկէ 3 տարի յետոյ վարժարանը Զենոբիոյ պալատը կը ստիպուի փոխադրուի: Յամենայն դէպս՝ կ'երեւի թէ յետոյ յարմարութեան մը կու գան պալատին տիրոջ հետ՝ Ռափ. վարժարանը դարձեալ հոն վարձու մնալու, որովհետեւ նոյն Օրագրական Դարքին մէջ թուցիկ թղթի մը վրայ, թէեւ անստորագիր, գրուած է հետեւեալը. « Io sottoscritto confermo tutti i patti dei quali ci siamo convenuti coll'Ill.^{mo} Sig. Conte Leonardo Gradenigo intorno al Palazzo Pesaro, intendo di comprendervi anche la riscossione di quanto fu anticipato pel restauro delle finestre. E nello stesso tempo prometto di consegnare il sopradetto palazzo ai 10 Marzo 1848, spoglio di quanto appartien alla ragione del Collegio Armeno, il quale presentemente vi si è alloggiato ». – (Թարգմանոչիւնն է) « Ստորագրեալս կը հաստատեմ բոլոր պայմանները՝ որոնց մասին համաձայնեցանք Մեծ. Պ. Կոմս Կրատենիկոյի հետ՝ Փեզարոյ պալատին շուրջ, որոնց մէջ կը պարունակուի նաեւ զանձումը՝ պատու հաններու նորոգման համար կանխիկ վճարած գումարին: Միեւնոյն ժամանակ կը խոստանամ 10 Մարտ 1848ին վերոյիշեալ պալատը յանձնել, պարպուած բոլոր կահկարասիներէ որ Հայոց Դպրոցին կը պատկանի, որ և ներկայիս հոն հաստատուած է »:

3. Հ. Սարգսի Ռափ. վարժ. տեսչութիւնը կարեւոր է չորսի բաժնել. Ա. Ռդդակի շրջան,